



**SPORAZUM O NAUČNOJ, ISTRAŽIVAČKOJ I STRUČNOJ SARADNJI IZMEĐU
VISOKE ŠKOLE „CEPS – CENTAR ZA POSLOVNE STUDIJE“ IZ KISELJAKA (U DALJEM TEKSTU:
„CEPS“) I FONDACIJE ZA DOSTIGNUCA U VAZDUHOPLOVSTVU I ASTRONAUTICI (U DALJEM
TEKSTU: „DVA“)**

Vođeni željom i potrebom za uspostavljanjem međusobne saradnje u oblasti istraživanja, edukacije, projektnim aktivnostima i jačanju struke,

Spremni na efikasnu saradnju koja će doprinijeti razmjeni iskustava i znanja,

Potvrđujući zajedničko zalaganje i interes za unaprjeđivanjem saradnje u oblasti naučnog istraživanja i jačanja civilnog vazduhoplovstva u BiH,

„CEPS“ i „DVA“ su se usuglasili o slijedećem:

Svrha i oblast saradnje

Član 1.

Saradnjom će se uspostaviti partnerski odnosi između strana u stručnoj, edukativnoj, izdavačkoj i naučno-istraživačkoj oblasti kao i programima cjeloživotnog učenja i usavršavanja.

Način ostvarivanja saradnje

Član 2.

Strane će međusobno surađivati kroz razne oblike, a posebno kroz:

1. Mogućnost zajedničkog organiziranja naučno-istraživačkih aktivnosti, konferencija, simpozija, seminara, radionica,
2. Razmjenu stručnih i naučnih informacija kroz razmjenu publikacija, elektronskih izvora publikacija, udžbeničke literature i drugog stručnog materijala, resursa i usluga na osnovu reciprociteta,
3. Razmjenu stručnog osoblja,
4. Organizaciju studijskih posjeta,
5. Organizaciju teoretske i praktične nastave,
6. Izradu, aplikaciju i realizaciju zajedničkih i pojedinačnih istraživačkih projekata,
7. Promociju individualnih kontakata među akademskim i stručnim kadrom,
8. Poticaj aktivnosti od zajedničkog interesa obje organizacije,
9. Proučavanje problema od zajedničkog interesa i pronalaženje najboljih načina njihovog rješavanja,
10. Druge oblike saradnje od zajedničkog interesa kao i promociju vazduhoplovstva i astronautike u BiH.



Upotreba dokumentacije i stručnih radova Član 3.

Strane će, uz potpuno uvažavanje autorskih prava i zaštite ličnih podataka, voditi računa koje analize ili druge stručne radove, publikacije i materijale i do koje mjere mogu učiniti dostupnima javnosti i drugim nadležnim organima.

Upotreba učionica i prostora Član 4.

CEPS je suglasan da će za eventualne potrebe izvedbe nastavnog plana i programa edukacije za obuku pilota i aviomehaničara ustupiti jednu (1) adekvatnu prostoriju uz nominalnu naknadu koja će biti regulirana posebnim aneksima ovog Sporazuma.

Izmjene i dopune Sporazuma Član 5.

Ovaj Sporazum podliježe izmjenama i dopunama, uz pisanu suglasnost obje strane.

Važenje Sporazuma Član 6.

Ovaj Sporazum se zaključuje na neodređeno vrijeme, a stupa na snagu danom potpisivanja.

Prestanak Sporazuma Član 7.

Sporazum prestaje važiti njegovim otkazom jedne od strana u pisanom obliku.

Član 8.

Ovaj Sporazum je sastavljen u dva (2) istovjetna primjerka, od kojih svaka strana zadržava po jedan (1) primjerak.



DVA

Broj:

Datum:

Za „CEPS“

Dr. sc. Mirzo Selimić, direktor



Za „DVA“

Vahidin Mahmutović, direktor

